

■ COLUMNA

# Vegnir memia tard

DA JOST FALETT

**P**uspè memia tard!»  
Gea, quai dovra gner-  
va, perquai ch'i fiss quasi  
adina stà dad evitar. Il pli  
essan nus sezs la culpa.

**V**egnir memia tard  
pon ins en differen-  
tas situaziuns: Memia tard  
a scola, lura datti in cha-  
sti. Memia tard sin il tren,  
lura esi da spetgar sin il  
proxim. Sco giuven forsa  
memia tard per l'amia de-  
siderada, lura na gidi na-  
gut da spitgar, perquai  
che in auter è stà pli  
spert. Il solit na turnan las  
schanzas betg ed èn da-  
vent, sco il tshievi, sch'il  
chatschadur n'è betg stà  
pront per nizzegiar la  
schanza. I dat tantas si-  
tuaziuns persunalas per  
vegnir memia tard.

**V**egnir memia tard po-  
dentant er la politica.  
Sch'il pievel daventa me-  
mia malcontent ed ils po-  
litichers na reageschan  
betg, lura sa il pievel ve-  
gnir cun ina iniziativa ex-  
trema – per reagir sin la  
situaziun extrema. Quai  
avain nus vis tar las abita-  
ziuns secundaras: En Gri-  
schun hai dà avant onns  
la proposta en il cussegl  
grond da limitar las abita-  
ziuns secundaras en tut il  
chantun sin 50% – senza  
la minima schanza. Uss  
avain nus il limit da 20%  
ed ina soluziun pauc dif-  
ferenziada che fa davaira  
difficultads en tshertas  
regiuns. Quai fiss stà dad  
evitar sch'ils politichers  
(jau manegel er las dun-  
nas da la politica) avessan  
reagi pli baud. –

**A**ctualmain esi da spe-  
rar che la revisiun da  
la lescha davart la planisa-  
ziun dal territori, accepta-  
da da la popuaziun cun  
gronda majoritad, vegnia  
exequida endretg. Pertge



che noss territori è limità:  
era sche tut pretendia cre-  
schientscha – la Svizra na  
crescha betg.

**M**emial politica vegn la  
probabla-  
main er tar il barat d'in-  
firmaziuns automatic per  
nossas bancas. Avant  
paucs onns avess il stadi  
anc pudì martgantar e  
dictar almain per part las  
cundiziuns – oz vegnan  
quellas dictadas dals au-  
ters. Nus avain manchen-  
tà il bun mument per far  
valair noss interess, e quel  
na turna betg.

**E**r ina vischnanca po  
vegnir memia tard.  
Tar nus a Bever mancan  
dapi onns abitaziuns paja-  
blas per indigens. Emper-  
mischuns da la suprastan-  
za communal da reagir  
hai dà adina puspè, succe-  
dì n'è dentant nagut. Ils  
indigens che lavuran en  
Engiadin'Ota abitan oz  
per part a Zernez, e man-  
can en vischnanca. Cun  
circa 700 abitants ha Be-  
ver oz ina classa vida –  
nulla uffants en ina anna-  
da, ed en las autras classas  
dus fin quatter. Las vi-  
schnancas enturn fabri-  
tgan per indigens ed han  
ina scola segirada. En  
paucs onns vegni a dar  
avunda abitaziuns per in-  
digens en la regiun – lura  
esi memia tard per vulair  
mantegnair la scola ed il

negozi, e quai en ina vi-  
schnanca da l'Engia-  
din'Ota benestanta.

**T**gi sa sche nus vegnin  
er memia tard per la  
lingua? Gia Placidus a  
Spescha, Gion Antoni  
Bühler ed auters han vuli  
dar a la Rumantschia da-  
pli forza cun ina lingua  
scritta unida, entant che il  
rumantsch era anc ferm  
avunda, avant ch'i è me-  
mia tard. La quarta prova  
era sin buna via, diversas  
vischnancas han dentant  
decidì auter, quai è dad  
acceptar. Sche la «vusch  
dal pievel» ha raschun  
cun turnar tar ils idioms  
vegn il futur a mussar,  
forse schizunt bainspert.

**U**ss essan nus puspè  
en la situaziun sco  
avant 20 onns. Là ha la  
Lia Rumantscha pretendì  
cun pauc success dapli fi-  
nanzas per remplazzar ils  
meds d'instrucziun vegls  
en ils tschinch idioms, e  
quai en megliers temps fi-  
nanzials che oz. Il preven-  
tiv chantunal cun spetgas  
da fin 100 milliuns francs  
deficit en ils proxims  
onns na dat betg grondas  
speranzas per dapli raps  
per translatar e stampar  
en tshintg variantas ru-  
mantschas empè da du-  
vrar las finanzas disponi-  
blas per producir quali-  
tad. Ed il ciclus dals meds  
d'instrucziun na vegn  
betg pli plaun. Igl è tard –  
guardain sch'il temp basta  
per chattar ina via per dar  
nova forza a la Ruman-  
tschia.

**E**ra jau sun da curt  
vegnì memia tard:  
Memia tard hai jau realisà  
tge vusch impressiunanta  
che er jau vegn ad udir  
pli pauc cun la demissiun  
da l'avat Martin Werlen.  
Igl è da duvrar las occa-  
siuns avant ch'igl è memia  
tard.